

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za boračka pitanja, Vlada Zeničko-dobojskog kantona, na 115. sjednici, održanoj 30.01.2026. godine, d o n o s i

ZAKLJUČAK

I.

Prihvata se Mišljenje Ministarstva za boračka pitanja, broj: 13/02-02-23059/25 od 22.01.2026. godine, po Prijedlozima za Program rada Skupštine Zeničko-dobojskog kantona za 2026. godinu.

II.

Zaključak sa Mišljenjem iz tačke I. upućuje se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

Broj: 02-_____/26
Datum, 30.01.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,
1x Stručna služba Skupštine,
1x a/a.



Broj: 13/02-02-23059/25
Zenica, 22.01.2026. godine

PREDMET: Mišljenje po Prijedlozima za Program rada Skupštine za 2026. godinu

Stručna služba Vlade Zeničko-dobojskog kantona aktom broj: 02-1-02-23059-2/25 od 12.01.2026. godine a u vezi sa aktom Stručne službe Skupštine broj: 01-02-23059-1/25 od 30.12.2025. godine, zatražila je izjašnjenje nadležnih ministarstava Zeničko-dobojskog kantona na Prijedloge Jedinstvenog udruženja demobilisanih boraca 92-95 Zavidovići, MZ Krivaja - Smailbašići Zavidovići i Službe za upravu finansija, budžet i trezor grada Zavidovići upućenih putem Stručne službe gradskog vijeća Zavidovići broj: 01-04-5/25-AP-94 od 24.12.2025. godine.

Među prijedlozima su sadržani zakoni kao i drugi akti i propisi iz nadležnosti različitih organa. S tim u vezi, u daljem tekstu Ministarstvo za boračka pitanja daje mišljenje iz oblasti koje spadaju u ingerencije ovog organa.

Jedinstveno udruženje demobilisanih boraca 92-95 Zavidovići uputilo je prijedlog za uvrštavanje u Program rada Skupštine:

- *izmjene Zakona o dopunskim pravima branilaca i članova njihovih porodica, članova 1., 3., i 58. na način da se u članu 1. dodaje novi stav 3) koji glasi Lica iz člana 1. mogu ostvariti prava iz člana 3. stava (1) ukoliko su proveli u odbrani BiH najmanje 12 mjeseci u periodu od 18.09.1991. godine do 22.04.1996. godine a maloljetni branioci 6 mjeseci. U članu 3 stav 1 tačka p) i stav 2 se brisu i član 34. i 58. se briše u cjelosti.*
- *izmjene i dopune Odluke o proširenom obimu prava iz oblasti zdravstvene zaštite za branioce i članove njihovih porodica u prvom kvartalu 2026. godine na način da se u članu 2 stav 1 tačke c) datum 06.04.1992 do 23.12.1995 zamijeni novim datumom od 18.09.1991. do 22.04.1996. godine*

Godišnji i trogodišnji programi rada kako ministarstava tako i Vlade i program rada Skupštine provode se po proceduri na osnovu Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", broj: 32/17), Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Službene novine Federacije BiH", broj: 74/19 i 2/21) i drugih strateških dokumenata. Po propisanoj proceduri već je usvojen Program rada Vlade Zeničko-dobojskog kantona za 2026. godinu.

Pored toga naminjemo da se ovo Ministarstvo i ranije u više navrata izjašnjavalo po istim prijedlozima. Period proveden u oružanim snagama kao definicija kategorije vezuje se za federalne propise kako je propisano članom 2. Zakona, a period kao uslov za ostvarivanje određenog prava propisuje se aktima koji preciznije razrađuju ostvarivanje nekog od prava. Članom 1. Zakona ustanovljavaju se prava branilaca i članova njihovih porodica kao dopunska, pored osnovnih prava koja korisnici ostvaruju po federalnim propisima koji regulišu ovu oblast. Za svako od prava propisanih Zakonom, Vlada Zeničko-dobojskog kantona podzakonskim aktima uređuje uslove, način i postupak ostvarivanja istih gdje se za period učešća u oružanim snagama u trajanju od 24 mjeseca ili 12 mjeseci, u zavisnosti od prava koje se ostvaruje tretira period od 06.04.1992. godine

do 23.12.1995. godine što simbolizira početak oružanih sukoba i prestanak po potpisivanju Dejtonskog mirovnog sporazuma.

Članom 3. stav (1) tačka p) i članom 34. utvrđeno je pravo na sufinansiranje rada branilačkih udruženja – kantonalnih udruženja od posebnog društvenog interesa. Imajući u vidu ciljeve djelovanja i rada ministarstva koji između ostalog podrazumijevaju poboljšanje socio-ekonomskog stanja branilaca i članova njihovih porodica i očuvanje tekovina odbrambeno-oslobodilačkog rata, značajno je pomoći održavanju i opstanku temeljnih udruženja od posebnog društvenog interesa koji će također zastupati interese boračkih kategorija, promovirati prava, obilježavanja različitih značajnih datuma i ličnosti, održavati kontakte sa pripadnicima ovih kategorija i dr. Imajući u vidu navedeno, ne mogu se brisati članovi koji uređuju postojanje ovih prava.

Cijeneći navedeno, mišljenje Ministarstva za boračka pitanja je da prijedlozi iz predmetne inicijative nisu prihvatljivi i osnovani.



MINISTAR

Adnan Sirovica

